

嘉慶戊辰秋鑄

恩施縣志

本衙藏板

中興重刊一考

明本縣志內載入知縣署內在什坊工刻和合縣印日委慶
年秋對田監製西來者或並三五且刻本局前天下計計也

人來一前

陸其華刻

不風山



恩施縣志卷首

聖制一

乾隆三年正月奉

上諭湖北忠崗等土司改土歸流增設施南一府統轄恩施宣恩咸豐利川來鳳建始六縣除恩施係屬舊縣建始係川省改歸並恩施分歸咸利二縣之田地人丁向有定額毋庸另議外其餘改土地方新入版圖者該督撫現在查勘分別陞科但該土司向未輸納秋糧不計田地多寡每年統計止納銀七十三兩六錢四分今若照內地科則徵

恩施縣志卷首

聖制一

收必至如於前數朕心愛養土民望其共受國恩原不計貢賦之多少乾隆元年曾降諭旨將容美司改設之鶴峯長樂二州縣成熟田地即照原額秋糧銀九十六兩之數作為徵收定額今忠崗土司與容美事同一例着將查明成熟田地即照原額秋糧銀七十三兩六錢四分之數按田分派作為定額毋庸另擬科則俾土疆黎庶永沾薄賦之恩至乾隆二年未完秋糧一併豁免該部即遵諭行欽此

乾隆三十八年八月奉

上諭據陳輝祖奏此次沿站民夫因官兵經過運送軍械等

項咸爭來站受催如宜昌巴東一路人烟稀少尤旁近之恩施宣恩建始等縣民夫亦多自行趨集軍營偶有遺失行裝隨路趕送交給等語此誠佳事該省上年過兵地方本年新正曾經加恩緩徵今沿站旁近各縣民夫俱能踴躍急公各効子來之誼自宜再沛恩膏用昭獎勸着該督查明恩施宣恩建始三縣量予緩徵十分之幾奏聞請旨再直隸河南陝甘雲貴等省兵丁經過各州縣節節降旨加恩分別緩徵其沿站旁近之州縣民夫如有協助辦

恩施縣志卷首

聖制一

二

差出力者並着該督撫一體查明具奏候朕酌量加恩以普一視同仁之意該部即遵諭行欽此

嘉慶元年五月初一日奉

上諭據署湖北巡撫惠齡等奏稱施南府屬之恩施縣有賊屯聚經知縣尹英圖等率領鄉勇分路擒捕賊斃多賊洗蕩賊巢該縣等尚為奮勇知縣尹英圖着即以同知陞補其經歷蔣遇春及把總外委等俱着酌陞用以示獎勵欽此

內閣奉

上諭汪新奏川楚奉節利川賊匪全行撲滅一摺此次覽奏欣悅此項川省奉節賊匪竄入楚北利川境內汪新派令副將樊繼祖統兵堵勦並令恩施利川二縣約會川省奉節勝曉諭居民同心併力會合奮勦旋經各該縣尹英圖陳春波周景福會同千總外委等共相激勸督率三縣士民於利川縣長堰塘樓子壩地方殺死賊匪一千數百餘名生擒賊目四十餘名又因賊分兩股奔竄兵勇亦分兩路追勦殺賊二千餘名生擒二百二十餘名三縣地方賊匪全行撲滅所辦實屬可嘉除汪新等已另加優賚外

恩施縣志卷首

聖制一

三

該省錢糧前已有旨普行寬免此次恩施利川二縣及川省奉節縣紳勇士民均能齊心奮勇同聲敵愾着再加恩將三該縣應徵錢糧再行蠲免一年以示獎義惟恩無已至意欽此

嘉慶二年九月二十八日奉

上諭前因奉節賊匪竄至利川滋擾前經派令景安愛星阿前往督率樊繼祖等上緊勦辦但相隔稍遠尚未奏報起程該處又乏大員督率為此正深屢念茲據汪新奏到奉節利川賊匪經恩施縣尹英圖利川縣陳春波奉節縣周

景福彼此約會激勸三縣士民無不踴躍爭先力圖殺賊而千總劉忠魁外委劉文玉亦會同率領兵勇一齊奮力攻圍生擒賊首邱大才等及殲斃賊首僧海青並拏獲賊目楊士秀等共殲賊三千餘人其餘燒斃者不計其數賊夥全行撲滅覽奏欣慰此次奉節利川會合賊匪不下萬餘尹英圖等以知縣千總等官能率領士民鄉勇迅速勦除實屬可嘉之至尹英圖周景福陳春波均着超賞知府銜有缺酌行奏補千總劉忠魁着超陞都司外委劉文玉着超陞守備其分路帶兵之守備陳安信等六人着交汪

恩施縣志卷首

聖制一

四

新查明如果奮勇出力即以應陞之缺陞用並該三縣應徵錢糧加恩再行蠲免一年以示嘉獎聚民外所有紳士鄉勇人等亦着汪新查明擇其尤為出力為首者賞給六品頂戴其餘分外出力者酌賞七八品頂戴汪新雖在襄陽駐劄但一聞該處匪徒滋事即分飭各縣設法勦捕果能即時滅事辦理尚為妥協汪新着賞給金盒一個內貯葡萄乳珊瑚豆黃瓣大荷包一對小荷包四個副將樊繼祖於賊匪竄至利川長堰塘地方即會同知縣陳春波擊追賊匪俾得三面兜圍痛加殲戮亦着賞給裝鉛子魚袋

一個花大荷包一對小荷包四個其餘在事之兵丁鄉勇
著汪新酌加獎賞陣亡兵勇俱從優賞卹但昨據宜綿奏
奉節賊匪係楊秀濠湯永禮為首令汪新摺內訊據獲犯
供稱只有湯永禮一犯而楊秀濠未經提及該二犯是否
即在燒斃殲擒之內倘尚未就獲此外或有逸犯者汪
新轉飭樊繼祖會同該知縣營員等趁此勝勢上緊查拏
不可使一名漏網至另片覆奏前此在鄖陽黃龍灘渡口
擊退賊匪係屬知縣葉治等語此事前已有旨交汪新查
明如該員始終出力即咨部議叙現在奉節利川賊匪既

恩施縣志卷首

聖制一

五

經勦除即有一二藏匿餘匪已交樊繼祖會同該知縣營
員等分途搜捕足資料理豫楚交界地方亦關緊要景安
愛星阿竟不必前往施南利川即於途次轉回戎仍至襄
陽一帶以防賊匪折回之路或就近為明亮等聲援惟在
該撫酌量事機緩急而行不可拘泥顧此失彼為要又據
觀成等奏攻撲老木園焚燬賊卡一摺不但未得老木園
賊巢而於轎頂山緊要賊卡亦未能攻克實屬無能無恥
且所奏馬蹕陣亡一節早經宜綿等奏到尤屬無謂又據
惠齡奏帶兵追截賊匪一摺其所稱在小河口擊賊情形

亦經恒瑞秦承恩等奏到且恒瑞慶成雖到興安已落賊
後而惠齡尚未馳抵興安更落恒瑞慶成之後實大無能
惠齡觀成劉君輔俱着傳旨嚴行申飭現在惠齡所追賊
匪係李全為首着責成惠齡恒瑞慶成三人上緊設法擒
獲勿任與平利賊匪合夥而英善秦承恩亦當留心嚴拏
以期迅速就獲再額勒登保等追勦巴東賊匪自二十日
奏到後迄今已隔八日未據續有奏報前因利川地方有
賊匪滋擾該處與巴東接壤毗連恐與林之華合夥勦辦
更為費手今奉節利川之賊業經勦淨林之華等之勢益

恩施縣志卷首

聖制一

六

孤額勒登保等僅係追勦此等窮竄之賊有何難辦豈尚
不知奮勉將林之華覃加權上緊擒獲耶再宜綿身為總
統在川省勦辦多時總未能擒一首犯任聽賊匪攔入陝
楚地方無能已極該處賊匪係徐添德王三槐冉文儔羅
其清此四犯着責成宜綿上緊擒拿務獲不可坐待明亮
等到彼致耽時日試思奉節利川賊匪多至萬餘該處亦
崇山峻嶺乃以知縣千總微員尚能激勵士民率領兵勇
一鼓直前涉歷險阻奪要攻堅拏獲首逆殲淨餘黨而川
省白巖山老木園西鄉及湖北帽子山竄匪宜綿額勒登

保忠齡觀成等俱係大員且兵多將廣乃始則藉詞賊巢險固不能攻克及至逃逸又不能設法兜截任其東奔西竄蹂躪地方經年累月尚未擒渠蕪事彼此相形不知伊等有何顏面朕實代為羞之着再傳諭宜綿額勒登保惠齡觀成等務宜各發天良愧極思奮趕緊勒辦擒獲首逆殲淨餘黨以期稍贖前愆勿再延緩朕辦理軍務賞罰嚴明各路帶兵大員等諒所深悉此次奉節利川賊匪經知縣千總等立時勒淨即加等超擢以示優獎宜辦理遲誤之大員等竟聽其遷延貽誤竟不將伊等加倍治罪乎伊等不可不知愧懼迅勉歲功勿謂朕恩可以屢邀伊等之罪可以倖免也至昨據明亮奏擊退竹谿賊匪殲賊二三百人督飭將領分枝截勦尚未擒獲賊首一人因新調吉林黑龍江勁兵未經到彼僅就原帶之兵分枝截勦是以未能大加殲戮擒獲賊首尚可暫恕此時吉林官兵早已前至軍營本日又據汪新奏烏爾圖那遜帶領黑龍江官兵五百名及察哈爾頭起馬匹於二十一日自襄陽起程前赴明亮軍營其後起黑龍江官兵及後起馬匹自己陸續到齊明亮等得此精兵健馬聲勢百倍况現在奉節

恩施縣志卷首

聖制一

七

利川之賊經川楚地方官率領兵勇勒辦完竣想明亮等聞之自必倍加欣喜益思奮勉殺賊將首逆姚之富齊王氏尅日擒獲再赴白河平利安康及紫陽石泉等處殲除賊匪方為不負委任昨已有旨令勒保馳赴湖廣新任該督到彼所有楚省軍務自當令其督率辦理而宜綿亦本係總統但現在勁兵健馬俱在明亮等一路且姚之富齊王氏尤為賊首中緊要之犯此時所盼者惟明亮惠齡二人捷報宜綿勒保雖係川楚總督亦斷不肯掣明亮德楞泰之肘伊二人不得因聞勒保現有到楚之信稍存觀望倘目下不能將姚之富齊王氏擊獲而轉被他路擊獲則明亮德楞泰又將何顏對朕現在明亮德楞泰總當確探姚之富齊王氏踪跡專心設法擒獲此二首犯一經就獲其餘黨夥自必望風瓦解易於辦理而此外四川賊首徐添德王三槐羅其清冉文儔責成宜綿巴東賊首林之華覃加權責成額勒登保等老木園賊首責成觀成劉君輔其竄至安康賊首李全責成惠齡恒瑞慶成彼此各辦各賊原不相統率不拘何路將賊首擒獲即屬該處帶兵大員之功何路任賊首縱逸即係該路帶兵大員之罪如

恩施縣志卷首

聖制一

八

此分勦各顧功罪勦辦自易為力明亮德楞泰更不必分
心他處務須專力將姚之富齊王氏擒獲殲淨竹谿一帶
賊匪再探聽白河平利安康何路緊要即帶領勝兵馳赴
該處以次勦辦再赴川省協勦此為最要將此由六百里
加緊又緊傳諭宜綿等並諭恒瑞慶成英善柯藩劉君輔
等知之仍將接奉此旨伊等如何愧勵及截勦各路賊匪
擒獲各首犯之處速行加緊馳奏欽此

嘉慶七年三月奉

上諭湖北省被賊地方歷年應徵錢糧俱經節次施恩分別

恩施縣志卷首

聖制一

九

蠲緩現在大功將竣誠恐民力尚有未紓特降旨令吳熊
光等察看情形具摺核據吳熊光等奏查明湖北各州縣
被賊輕重情形開單進呈着如恩將被賊較重之鄖縣鄖
西房縣竹山竹谿保康東湖巴東興山歸州十州縣本年
應徵地丁正耗錢糧全行蠲免其前此應分三年帶徵之
積欠錢糧着再展限三年分作五年帶徵被賊次重之襄
陽襄陽南漳穀城宜城均州長陽長樂來鳳利川咸豐宣
恩荆門遠安當陽鍾祥枝江宜都隨州孝感二十一州縣本
年應徵地丁正耗錢糧蠲免十分之五此內應分三年帶

徵之積欠着再展限一年分作四年帶徵被賊較輕之京
山江陵光化安陸應城應山黃陂蒲圻崇陽黃安恩施建
始十二州縣本年應徵地丁正耗錢糧蠲免十分之三以
示朕軫念民依有加無已至意欽此

嘉慶七年六月奉

上諭吳熊光奏酌撤分防兵勇一摺鄉勇一項朕意必應於
官兵未撤之前先行裁撤藉官兵之勢在彼彈壓庶可不
至周章今吳熊光與德楞泰商辦亦能見及此與昨所降
諭旨適合朕懷寬慰之至但鄉勇既撤之後尤當設法安

恩施縣志卷首

聖制一

十

置此輩斷非身家殷實之人本係游手無業之徒應募來
營從征日久好勇鬪狠之風遽難化誨一經裁撤既無口
糧可得又無恒業可恃難保其不滋生事端殊堪慮昨
已降旨令經略叅贊會同各該省督撫悉心詳議辦理吳
熊光尤當審思熟慮妥為經理務俾日久寧貼此為最要
至所云撤出之後酌加獎賞一節所見極是朕前旨亦已
論及此係第一辦法然亦不可過厚開鼻幸之漸總宜量
其功績分別示勸其酌撤鄉勇事宜責成知府尹英圖經
理所辦亦是尹英圖在湖北辦理堵禦事宜最為出力朕

所素悉此項鄉勇本係尹英圖由施南召募前來令該員已補授施南府知府即責成該員就近管束自能妥協至所稱應撤各兵內請將雲貴遠者之兵先行撤回其餘俟大局定後陸續再撤等語著即照吳熊光所議辦理總之撤兵一事較之撤勇為易即稍為停待陸續撤完亦無不可又所奏各寨勇等搜捕零匪無口糧經費請受為立議核實支給等語湖北地方向無津貼一項朕亦素知此等費用無出自係實情今當追勦零匪之時既資該寨勇分段搜捕以助兵勇之所不及自不能不給與費用現在吳

恩施縣志卷首

聖制一

十一

熊光籌款撥給惟當核實辦理不致浮冒將來准其作正開銷可也將此由五百里諭令知之欽此

恩施縣志卷首
 聖制一
 十一
 熊光籌款撥給惟當核實辦理不致浮冒將來准其作正開銷可也將此由五百里諭令知之欽此

恩施縣志卷一

天文

星圖

翼分野與軫相接




恩施縣志卷一

天文一

一

恩施縣志卷一
 天文一
 一
 翼分野與軫相接



南北袤一百七十九里

沿革

恩施漢南郡巫縣時施南府皆南郡地

三國吳置沙渠縣屬建平郡建平郡屬南郡

宇文周置亭州又置施州及清江郡

隋開皇五年置清江縣大業初縣屬清江郡

唐天寶元年更名曰清化領清江建始二縣

宋平蜀取施州改清江郡領清江建始屬夔州路

元至元十一年將縣名併入施州十五年以州隸夔

恩施縣志卷一 疆域二

路總管仍領清江建始二十二年併清江入州領

建始一縣

明洪武十四年置施州衛二十三年併州入衛置指

揮使司屬湖廣都指揮使司不設縣

國朝雍正六年題改恩施縣七年設官與興山長陽巴

東三縣同隸歸州十三年設施南府領恩施宣恩

來鳳咸豐利川又以建始為一府往省必由之路

自夔揅入施共為六縣

形勝

容星西峙五峰東環天樓面其南石乳擁其北清江

麟溪合流於前唐氏衛志

東臨荆楚西抵巴蜀地當要害

水流淺狹不通舟楫

山川

回龍山在城內縣治東山勢如行龍迴顧下有國通

寺明洪武十四年建即昔之開元寺寺前有登龍

橋橋前有詹公故址

象鼻山在城內縣治東南明天順間建元妙觀於其

恩施縣志卷一 疆域二

上山下有流觴曲水

國朝學使吳省欽改名鰲脊山

象耳山在城內縣治西亦名柁樓山多竹木吳省欽

改名象牙舊築半逸亭於其上

連珠山在城東二里五峰相連如貫珠一名五峰山

宋政和中封山神為嘉惠侯賜祠額曰永福相傳

為五峰土主廟今圯山上舊有五峰關今亦圯

畫屏山在縣東六十里

龍首山與連珠山相接控清江之口

五峰山如五指在恩建交界處與畫屏山相近中峰

元妙觀木梯鉄索以上廟外並無餘地山上舊有
岩

洪岷山在縣南四十里印紅岷也有一嶺名九拐高

出衆山上有真武廟人呼小武當畏風力觀皆以

板覆之山延袤數百里深遠莫測觀蒼岩均有石

室昔人修煉之所

金瓦山在縣東四十里崖石鱗次如屋瓦而色黃

石盤山在縣東四十九里頂有大石如盤

恩施縣志卷一 疆域二

六

天樓山在縣東五十六里山勢聳峻如危樓倚天

銀山在縣東八十里頂有高峰數十丈

猿啼山有二一在縣東八十里林木深茂多啼猿一

在縣西八里冬常積雪又名雪嶺

宜山即宜娘山在縣西北百里許與月臺對峙

巾子山在縣東南一百六十里峰頂狀如巾

文筆山在縣南二里卓立如筆亦名雙翠山

銀鑛山在縣南二十八里即箐山相傳舊出銀西有

鉄冶

羅蓋山在縣南五十六里孳然數峰如覆杯

金雞山在縣南一百四十里中產金雞

翠濤山在縣西南五里勢如波濤層湧有石高數十

丈有竅南北通明又號通明山

鼓樓岩在洪岷山東

金柱山在縣西七十里峰勢峭直其色如金

客星山在縣西五里複嶺重嶂南連雪嶺

藥山在城西二十里上產藥物下瞰麒麟溪

銅甕山在城西七十六里以形似名

恩施縣志卷一 疆域二

七

賀山在縣西三百餘里明初討諸蠻自九溪大庸度

天大嶺經古卑洞大敗蠻兵還以賀山分道勦捕

散毛諸洞皆大勝之

七藥山在縣西四百餘里亦名七曜山近文羅所

石乳山在縣西北一百七十里周迴百餘里為恩利

建三邑交界處生石乳上有石乳關三國時吳蜀

於此分疆武侯嘗至此

都亭山在縣西北二百里夷水所出後周取此山名

置亭州崇岡深麓映帶左右下多良田廣園

香城山在縣北七十四里產麝

金樓山在縣北八十里崖石層疊如樓臺

杆山在縣東北二十里吳蜀分界處阻深極高便於

杆敵

瘦驢嶺在縣西七里宋陸游有詩

大石嶺即仙掌嶺在縣東北二百里

了木峪在縣東北四十五里

通天岩在縣東十五里岩上有竅可窺天下有深潭

班鳩崖在縣東一百八十里上有銀瀑下即戎角村

恩施縣志卷一 疆域二

八

長五十里望之如城郭下有紅蘭溪北流入清江

倚子山在縣東十五里宋開慶初郡守謝昌元移州

治於此亦名州基山

飛鳳山在城北二里以形似名

成山在城內上建土主廟

先生坡在城西十五里昔有名儒隱此

和高崖在城西五里

天成山在城南十五里兩山插雲一水匝地崖石成

橋約四五丈南行大道名天生橋亦名天橋其河

源出黃連溪合石欄溪硃砂溪之水穿橋至芷藥

坪入清江

雙石城自城北四十五里轉向東又五十里在山上

山下有雙洞

兩香洞在城東芷藥坪村中

出水洞在城西二十里發源麒麟溪

龜溪在城西七里宋時產靈龜

影城洞在縣南十餘里日影水光相映

朝貢水在縣東六十里源出宣恩縣萬里山北流入

恩施縣志卷一 疆域二

九

清江

鉄溝水在縣東三里有接官亭昔為洗爵奠聲處

故又名洗爵溪

黑峒河在縣西南有二源皆出咸豐縣一曰西南流

過地埧岩徑普落溪西南流入四川酉陽州黔江

縣界亦謂之黔水一由西南流至廢龍潭土司東

繞其南流至廢唐崖土司界與徑普落溪者合流

亦稱唐崖河

頭渡河在縣西南源出咸豐縣東十五里龍峒口

木里溪在縣東三百里源出長望洞曲折數百里沿

溪萬山深僻旁有平地可耕

靈陽溪在縣東四百里其地與鶴峰州通

巴公溪在縣南七里有二源一出藥山一出城南三

十里鼓樓山合於翠濤山下至城南二里入清江

龍平溪在縣東南二百餘里合細沙溪

黃連溪在縣南二十里

金印溪在縣南三十一里源出銀鑛山東流合覆盆

水又東合石板溪北流三十里入清江

恩施縣志卷一 疆域二

十一

乾溪在縣南三十五里

硃砂溪在縣西南二十里合黃連溪徑天成山石橋

下又東北流入清江

芭蕉溪在縣西南四十里

菖蒲溪在縣西南一百九十里源出東門山西流逕

歌羅砦會黃姑溪下流合於西溪傍多菖蒲

九龍溪在縣西南七十里源出紅崖山下東北溪合

清江一名甘平溪

黔黎溪在縣西南三百四十里源出北荒

腰帶溪在縣西五里源出西山流逕宜山下南入麒

麟溪一名葉溪一名藥溪

麒麟溪在縣西七里宋雍熙中此地出麒麟因名源

出衛雨境諸山岩洞中奔流成溪至夏水極冷亦

名冷水河徑客星山下又東北徑城南東入清江

明一統志

蓮花池在縣東北二十五里

清江即夷水源出四川達州開縣蜀水皆蜀惟此水

獨清廣輿記

恩施縣志卷一 疆域二

十一

清江自四川酉陽州屬之黔江經石柱廳過白楊渡

入利川縣境至磁洞伏流三十里至七藥山紅鶴

花堤復出東南流至龍潭三渡河水自西南注之

至馬橋屯平溝河水自西南注之又伏流數十里

復出為雪照河馬溪水自東南注之又伏流三十

里至恩施縣北境之水撫村復出新田溪水自北

流注之徑馬寨村乾坪溪水自西南流注之又十

里落業堤溪水自北流注之又十五里壓松溪水

自西南流注之又十里帶河水自北流注之又十

五里塩水溪水自西南流注之又五里盤龍溪水自東北流注之至府城北繞而東通潮溪水自東流注之又繞城東而南藥溪水自西南流注之麒麟溪水自西流注之巴公溪水自西南流注之入峽口五里洗爵溪水自北流注之又十里天橋河水自南流注之又十五里金銀溪水自南流注之又五里為長沙河復入峽至芷藥坪思建河水自南流注之又二十里為風水河又五里為銀潭河又五里南陵渡水自北流注之又五里東遠村水

恩施縣志卷一 疆域二 十三

自南流注之又十里為忠建渡口又十里紅蘭溪水自東南流注之至新渡埧過施州塘入建始縣境尹家村水自南流注之又三里眠羊口水自北流注之又三十里入宜昌府巴東縣境為九龍潭野王河水自西北流注之又十五里支井河水自北流注之又二十里西渡河水自北流注之又三十里至長樂縣之監井朗亭水自北流注之又六十里為曾顏口高家堰水自北流注之至荊州府宜都縣之清江背入大江

丹陽溪在縣西一百七十里源出石乳山東流六十里入清江亦名龍溪

龍馬溪在縣北一百里南流逕觀音崖入清江相傳牧馬河濱常生龍駒亦名沱水亦名帶河

龍池在縣西北一百六十里相傳有龍潛此人不取捕魚

龍岡井在縣治東迴龍山下明景泰中鑿甘冽異常九渡溪在縣北二百里源出四川酉陽州彭水縣石柱土司流入縣界至都亭山下又東入清江居民

恩施縣志卷一 疆域二 十三



多引水溉田


通潮溪在縣東北南近連珠山源出大龍洞其水日消長如潮其上有覽勝橋

盤龍溪在縣東北相傳昔有龍盤於此山岩極高昔人鑿石架木為橋曰盤龍橋

馬公泉在縣北一里宋嘉祐中運使馬某按部至州以城跨山不可鑿井乃相視水脉以竹引此泉入城中公私賴之因立祠其上號馬公泉

宜泉在城北為縣境第一泉





恩施縣志卷一建置三

城池

縣城東北臨清江西南遶溪水明洪武十四年指揮朱永以舊城拓築甃以石旋圮

國朝乾隆二十六年修建三十七年驗竣崇二丈四尺五寸週圍一千二十一丈計程五里七分三釐西北西南俱依山築城其東北一帶城內城地勢亦較外微高東清江門改迎恩南陽門改朝陽西順門改金華北拱北門改拱辰

鄉鎮

編戶三里

東曰崇寧里村鎮十二 河水屯 三里堤

蔣家堤 滾龍堤 七渡溪 人山峯 花被

村 落渡村 石板場 董家村 馬尾溝

杉木索

西南曰市郭里村鎮八 南屯堡 硃砂溪

芭蕉村 落坡村 軍寨村 龍馬村 屯堡

金子堤

北曰都亭里村鎮六 水田堤 三會驛 落

恩施縣志卷一建置三

業堤 馬者村 木貢村 木撫村

關隘

東門關在城東南東門山

振武關在城北

老鷹隘在城西三百里

崖家堤巡司在城東一百里接建始縣核桃園鋪

暗利岩在城南二百里

歌羅砦在城西南

謹按宋史施州清江有歌羅永寧細沙寧邊尖木